


საქართველოს უზენაესი სასამართლოს მოსამართლის თანამდებობაზე ასარჩევად  
 საქართველოს პარლამენტისათვის წარსადგენი სამოსამართლო გამოცდილების არმქონე  
 მოსამართლეობის კანდიდატის შეფასების ფორმა

ნოდარ პაპუკაშვილის  
 მოსამართლეობის კანდიდატის ----- შეფასების შედეგი:

მოსამართლეობის კანდიდატის შეფასება კეთილსინდისიერების კრიტერიუმის მიხედვით		
მოსამართლეობის კანდიდატი არ აკმაყოფილებს კეთილსინდისიერების კრიტერიუმს	<input type="checkbox"/>	
მოსამართლეობის კანდიდატი აკმაყოფილებს კეთილსინდისიერების კრიტერიუმს	<input type="checkbox"/>	
მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს	<input checked="" type="checkbox"/>	
მოსამართლეობის კანდიდატის შეფასება კომპეტენტურობის კრიტერიუმის მიხედვით		
კრიტერიუმი	მიღებული ქულა	მაქსიმალური ქულა
სამართლის ნორმების ცოდნა	23	25
სამართლებრივი დასაბუთების უნარი და კომპეტენცია	23	25
წერისა და ზეპირი კომუნიკაციის უნარი	18	20
პროფესიული თვისებები	13	15
აკადემიური მიღწევები და პროფესიული წვრთნა	9	10
პროფესიული აქტივობა	5	5
ქულათა ჯამი	91	100

სახელი, გვარი: თეა ლეონიძე

თ. 

თარიღი: 28.05.2021



საქართველოს უზენაესი სასამართლოს მოსამართლეობის კანდიდატთა შესარჩევ  
პროცედურაში მონაწილე კანდიდატის

ნოდარ პაპუკაშვილის

შეფასების დასაბუთება

„საერთო სასამართლოების შესახებ“ საქართველოს ორგანული კანონის 34<sup>1</sup>, 35<sup>1</sup>, 36<sup>3</sup> მუხლების საფუძველზე განვახორციელე კანდიდატის შეფასება კეთილსინდისიერების მახასიათებლებისა და კომპეტენტურობის მახასიათებლების გათვალისწინებით. ჩემი შეფასება ეფუძნება კანდიდატის მიერ წარმოდგენილ და იუსტიციის უმაღლესი საბჭოს მიერ მოძიებულ ინფორმაციას, ასევე საჯარო მოსმენის შედეგად მიღებულ მონაცემებს.

**ზოგადი ინფორმაცია კანდიდატზე:** ნოდარ პაპუკაშვილი - დაბადებული: 1975 წლის 29 ნოემბერს, უმაღლესი იურიდიული განათლებით (თსუ); იურიდიულ მეცნიერებათა კანდიდატი (თსუ); სპეციალობით მუშაობის გამოცდილება 13 წელი.

მოსამართლეობის კანდიდატის შეფასება კეთილსინდისიერების კრიტერიუმის მიხედვით:

„საერთო სასამართლოების შესახებ“ საქართველოს ორგანული კანონის 35<sup>1</sup> მუხლის 15-ე ნაწილის თანახმად კეთილსინდისიერების კრიტერიუმით მოსამართლეობის კანდიდატის შეფასებისას გაითვალისწინება ამ მუხლით განსაზღვრული კეთილსინდისიერების კრიტერიუმის მახასიათებლები. ამ მახასიათებლების ანალიზისა და შეჯერების შედეგად ვიღებ ერთ-ერთ დასკვნას:

- ა) მოსამართლეობის კანდიდატი არ აკმაყოფილებს კეთილსინდისიერების კრიტერიუმს;
- ბ) მოსამართლეობის კანდიდატი აკმაყოფილებს კეთილსინდისიერების კრიტერიუმს;
- გ) მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს;

1. პიროვნული კეთილსინდისიერება და პროფესიული სინდისი:

პიროვნული კეთილსინდისიერებისა და პროფესიული სინდისის მახასიათებლით მოსამართლეობის კანდიდატის შეფასებისას გაითვალისწინება მისი, როგორც მოქალაქის, პატიოსნება, კეთილსინდისიერება, მოვალეობებისა და პასუხისმგებლობის შესაბამისი შეგნება, გამჭვირვალობა, კორექტულობა და სიზუსტე სამსახურებრივი ან სხვა მოვალეობების, ფინანსური ან სხვა ვალდებულებების შესრულებისას (მაგალითად, ქონებრივი მდგომარეობის დეკლარაციის შევსებისას, ბანკის ან სხვა ვალის გადახდისას, კომუნალური ან სხვა გადასახადის გადახდისას, საგზაო მოძრაობის წესების დარღვევისათვის ჯარიმის გადახდისას) და სხვა.

კანდიდატ ნოდარ პაპუკაშვილს აქვს დადებითი საკრედიტო ისტორია, არ აქვს მიმდინარე სესხი, სახელმწიფო ბიუჯეტის მიმართ დავალიანება არ ერიცხება. წარმოდგენილი ინფორმაციის თანახმად კანდიდატი ნოდარ პაპუკაშვილი რამოდენიმეჯერაა



დაჯარიმებული საგზაო მოძრაობის წესების დარღვევებისათვის, ჯარიმები გადახდილია დროულად.

აღნიშნული გარემოებების გათვალისწინებით, მივიჩნევ, რომ კანდიდატი ამ მახასიათებელს სრულად აკმაყოფილებს.

## 2. დამოუკიდებლობა, მიუკერძოებლობა და სამართლიანობა:

დამოუკიდებლობის, მიუკერძოებლობისა და სამართლიანობის მახასიათებლით მოსამართლეობის კანდიდატის შეფასებისას გაითვალისწინება მისი პრინციპულობა, გადაწყვეტილების დამოუკიდებლად მიღების უნარი და ზეგავლენის მიმართ მედეგობა, პიროვნული სიმტკიცე, შეუვალობა და სხვა.

რეკომენდატორები კანდიდატ ნოდარ პაპუკაშვილის მიმართ, გამოთქვამენ მოსაზრებას მის კეთილსინდისიერებასა და კომპეტენტურობის თაობაზე. გამოარჩევენ მიუკერძოებლობას, მიზანდასახულობას და პრინციპულობას,

აღნიშნული გარემოებების გათვალისწინებით, მივიჩნევ, რომ კანდიდატი ამ მახასიათებელს აკმაყოფილებს სრულად.

## 3. პიროვნული და პროფესიული ქცევა:

პიროვნული და პროფესიული ქცევის მახასიათებლით მოსამართლეობის კანდიდატის შეფასებისას გაითვალისწინება მისი კორექტულობა კოლეგებთან და სხვა პირებთან ურთიერთობისას, თავდაჭერილობა, საკუთარი ემოციების მართვის უნარი, სასამართლოში წარმართული დავები, რომლებშიც იგი მონაწილეობდა, როგორც მხარე, მის წინააღმდეგ სისხლისსამართლებრივი ბრალდების არსებობა და სხვა.

მოპოვებული ინფორმაციის თანახმად, ნოდარ პაპუკაშვილი მონაწილეობდა მოპასუხედ ორ სამოქალაქო საქმეში. მათ შორის ერთ საქმეზე მოსარჩელეს სარჩელის წარმოებაში მიღებაზე ეთქვა უარი, ხოლო მეორე საქმეზე მხარეთა მორიგების გამო შეწყდა საქმის წარმოება.

ნოდარ პაპუკაშვილის მიმართ დაზარალებულად ცნობის შესახებ ინფორმაცია არ მოიპოვება.

სასამართლოში წარმართული დავისას კანდიდატის რაიმე შეუსაბამო ქცევა არ გამოვლენილა.

აღნიშნული გარემოებების გათვალისწინებით, მივიჩნევ, რომ კანდიდატი ამ მახასიათებელს აკმაყოფილებს სრულად.

## 4. პიროვნული და პროფესიული რეპუტაცია:

პიროვნული და პროფესიული რეპუტაციის მახასიათებლით მოსამართლეობის კანდიდატის შეფასებისას გაითვალისწინება მისი საქმიანი და მორალური რეპუტაცია და ავტორიტეტი



იურიდიულ წრეებსა და საზოგადოებაში, იურიდიულ წრეებთან ურთიერთობის ხასიათი და სხვა.

მოპოვებული ინფორმაციის თანახმად, რეკომენდატორები უთითებენ მის მაღალ რეპუტაციაზე, არ უთითებენ კანდიდატის სისუსტეებსა და ნაკლოვანებების შესახებ. ნოდარ პაპუკაშვილის მიმართ დისციპლინური დევნა ან ადმინისტრაციული წარმოება არ დაწყებულა.

აღნიშნული გარემოებების გათვალისწინებით, მივიჩნევ, რომ კანდიდატი ამ მახასიათებელს სრულად აკმაყოფილებს.

#### 5. ფინანსური ვალდებულება:

ფინანსური ვალდებულების მახასიათებლით მოსამართლის შეფასებისას გაითვალისწინება ინფორმაცია მისი შემოსავლის წყაროს, აქტივების, საკუთრებაში ან/და სარგებლობაში არსებული ქონების და ამ ქონებისა და შემოსავლის შესაბამისი ვალისა და ვალდებულების შესახებ. ფინანსური ვალდებულების შემოწმების მიზანია, შეფასდეს, არსებობს თუ არა საფუძველი მოსამართლის ქონებრივი ინტერესების მართლმსაჯულების ინტერესებთან დაპირისპირებისა, რამაც შესაძლოა საფრთხე შეუქმნას მოსამართლის მიუკერძოებლობას.

კანდიდატ ნოდარ პაპუკაშვილს აქვს დადებითი საკრედიტო ისტორია და არ აქვს მიმდინარე სესხი, სახელმწიფო ბიუჯეტის მიმართ არ ერიცხება დავალიანება, კანდიდატს საკუთრებაში აქვს ორი მსუბუქი ავტომანქანა, საკუთრებაში არ აქვს უძრავი ქონება. კანდიდატის შემოსავლების დაუსაბუთებლობის ან უკანონობის ნიშნები არ გამოვლენილა.

შესაბამისად, მივიჩნევ, რომ კანდიდატი სრულად აკმაყოფილებს ამ მახასიათებელს.

ზემოაღნიშნული ინფორმაციის გათვალისწინებით, მივიჩნევ, რომ კანდიდატი ნოდარ პაპუკაშვილი სრულად აკმაყოფილებს კეთილსინდისიერების კრიტერიუმს.

#### მოსამართლეობის კანდიდატის შეფასება კომპეტენტურობის კრიტერიუმის მიხედვით:

„საერთო სასამართლოების შესახებ“ საქართველოს ორგანული კანონის 35<sup>1</sup> მუხლის 16-ე ნაწილის თანახმად კომპეტენტურობის კრიტერიუმით მოსამართლეობის კანდიდატი ფასდება ქულებით. კომპეტენტურობის კრიტერიუმის მახასიათებლის მნიშვნელობიდან გამომდინარე თითოეული მახასიათებლის მიხედვით მოსაპოვებელ ქულათა მაქსიმალური რაოდენობაა:

- ა) სამართლის ნორმების ცოდნა - 25 ქულა;
- ბ) სამართლებრივი დასაბუთების უნარი და კომპეტენცია - 25 ქულა;
- გ) წერისა და ზეპირი კომუნიკაციის უნარი - 20 ქულა;
- დ) პროფესიული თვისებები - 15 ქულა;



ე) აკადემიური მიღწევები და პროფესიული წვრთნა - 10 ქულა;

ვ) პროფესიული აქტივობა - 5 ქულა.

## 1. სამართლის ნორმების ცოდნა:

სამართლის ნორმების ცოდნის მახასიათებლით მოსამართლეობის კანდიდატის შეფასებისას გაითვალისწინება მატერიალური და საპროცესო კანონმდებლობების, ადამიანის უფლებების სამართლის (მათ შორის, ადამიანის უფლებათა ევროპული სასამართლოს პრეცედენტული სამართლის) მის მიერ ცოდნის დონე. აღნიშნული მახასიათებლით მოსამართლეობის კანდიდატის შესაფასებლად საქართველოს იუსტიციის უმაღლესი საბჭო უფლებამოსილია გამოითხოვოს მოსამართლეობის კანდიდატის მიერ ჩაბარებული მოსამართლეობის საკვალიფიკაციო გამოცდის შედეგები და იუსტიციის უმაღლესი სკოლის დამოუკიდებელი საბჭოს შეფასება.

კანდიდატის მიერ წარმოდგენილი და იუსტიციის უმაღლესი საბჭოს მიერ მოპოვებულ მონაცემებზე დაყრდნობით შეიძლება ითქვას, რომ კანდიდატი ნოდარ პაპუკაშვილი ძალიან კარგად ფლობს სამართლებრივ ნორმებს (კანდიდატი არის თანაავტორი ორი სამართლებრივი სახელმძღვანელოსი, გამოქვეყნებული აქვს 14 სამეცნიერო სტატია) სასამართლო პრაქტიკას იცნობს. კანდიდატმა გასაუბრებისას ისაუბრა კონსტიტუციურ პრინციპებთან დაკავშირებით, მიმოიხილა დემოკრატიული წესწყობილება. ასევე განიხილა სახელმწიფოს პოზიტიურ ვალდებულებებთან დაკავშირებით ევროსასამართლოს მიერ მიღებულ გადაწყვეტილებებზე, მიმოიხილა ღირსების უფლება.

აღნიშნულის გათვალისწინებით კანდიდატ ნოდარ პაპუკაშვილს სამართლის ნორმების ცოდნას ვაფასებ 23 ქულით.

## 2. სამართლებრივი დასაბუთების უნარი და კომპეტენცია:

სამართლებრივი დასაბუთების უნარისა და კომპეტენციის მახასიათებლით მოსამართლეობის კანდიდატის შეფასებისას გაითვალისწინება მისი ანალიტიკური აზროვნების უნარი და პროფესიული გამოცდილება.

წარმოდგენილი ნაშრომების და პუბლიკაციების გაცნობის შედეგად ირკვევა, რომ კანდიდატს გააჩნია შესაბამისი კომპეტენცია, ანალიტიკური აზროვნება. კანდიდატი აზრს გადმოსცემდა გასაგებად, გასაუბრებისას მისი პასუხები იყო არგუმენტირებული. კანდიდატი პასუხებს ასაბუთებდა ევროსასამართლოს მიერ მიღებული გადაწყვეტილებებით. ასევე მსჯელობდა საკონსტიტუციო სასამართლოს გადაწყვეტილებებზეც, მსჯელობისას იყენებდა პრაქტიკულ მაგალითებს.

აღნიშნულის გათვალისწინებით კანდიდატ ნოდარ პაპუკაშვილის სამართლებრივი დასაბუთების უნარს და კომპეტენციას ვაფასებ 23 ქულით.



### 3. წერისა და ზეპირი კომუნიკაციის უნარი:

წერისა და ზეპირი კომუნიკაციის უნარის მახასიათებლით მოსამართლეობის კანდიდატის შეფასებისას გაითვალისწინება წერილობით აზრის ნათლად და გასაგებად გადმოცემის, ლოგიკური მსჯელობისა და ანალიზის უნარი, გამართულად მეტყველების უნარი, სხვისი აზრის მოთმინებით მოსმენის უნარი, ღიაობა, განსხვავებული აზრის მოსმენის შესაძლებლობა და სხვა.

გავეცანი რა კანდიდატის მიერ წარმოდგენილ დოკუმენტებს, მივიჩნევ რომ სასვენ ნიშნებს, ძირითადად, იყენებს სწორად, აზრი ჩამოყალიბებულია გამართულად. გააჩნია სხვისი აზრის მოთმინით მოსმენის უნარი. გასაუბრებისას იგრძნობოდა ღიაობა.

აღნიშნულის გათვალისწინებით კანდიდატ ნოდარ პაპუკაშვილს წერისა და ზეპირი კომუნიკაციის უნარს ვაფასებ 18 ქულით.

### 4. პროფესიული თვისებები:

პროფესიული თვისებების მახასიათებლით მოსამართლეობის კანდიდატის შეფასებისას გაითვალისწინება მისი პუნქტუალურობა, შრომისმოყვარეობა, დამოუკიდებელი აზროვნების უნარი, სტრესულ სიტუაციაში მუშაობის უნარი, მიზანდასახულობა, მენეჯერული უნარ-ჩვევები და სხვა.

კანდიდატ ნოდარ პაპუკაშვილის მიმართ დისციპლინური დევნა არ დაწყებულა. რეკომენდატორები გამოთქვამენ მოსაზრებას კანდიდატის პროფესიული პრინციპებისადმი ერთგულებასა და მიზანდასახულობაზე.

აღნიშნულის გათვალისწინებით კანდიდატ ნოდარ პაპუკაშვილის პროფესიულ თვისებებს ვაფასებ 13 ქულით.

### 5. აკადემიური მიღწევები და პროფესიული წვრთნა:

აკადემიური მიღწევებისა და პროფესიული წვრთნის მახასიათებლით მოსამართლეობის კანდიდატის შეფასებისას გაითვალისწინება სიახლეების მიმართ მისი ღიაობა, თვითგანვითარების უნარი, საოფისე კულტურა, ახალი ცოდნისა და უნარების შეძენის ინტერესი, პროფესიული წვრთნის პროგრამებში მონაწილეობა, შეძენილი ცოდნისა და უნარების პრაქტიკულ საქმიანობაში გამოყენება და სხვა.

კანდიდატ ნოდარ პაპუკაშვილს მონაწილეობა აქვს მიღებული არაერთ სემინარსა და ღონისძიებაში, თემები: გლობალიზაცია და უმაღლესი განათლების გამოწვევები, უკრაინის საპარლამენტო არჩევნები (კიევი, ჩერნიგოვის ოლქი), უსაფრთხოება და ბიოტერორიზმი (მიჩიგანის სახელმწიფო უნივერსიტეტი, აშშ), საზოგადოებასთან ურთიერთობის საკითხები (აშშ, ვაშინგტონი, ნიუ-იორკი, მონტანა) და სხვა.



აღნიშნულის გათვალისწინებით კანდიდატ ნოდარ პაპუკაშვილის აკადემიური მიღწევებს და პროფესიულ წვრთნას ვაფასებ 9 ქულით.

6. პროფესიული აქტივობა:

პროფესიული აქტივობის მახასიათებლით მოსამართლეობის კანდიდატის შეფასებისას გაითვალისწინება მის მიერ ინიციატივის გამოჩენის უნარი, იდეებისა და წინადადებების წამოყენება, მისი სამეცნიერო და სხვა პუბლიკაციები, იურიდიული პროფესიისა და საზოგადოების წინაშე დამსახურება და სხვა.

კანდიდატი ნოდარ პაპუკაშვილი ეწევა პედაგოგიურ საქმიანობას შემდეგ სალექციო თემებზე: საქართველოს კონსტიტუციური სამართალი, მუნიციპალური სამართალი, საკონსტიტუციო სამართალწარმოება, „ადამიანის ძირითადი უფლებები და თავისუფლებები. პედაგოგიურ საქმიანობას ეწეოდა სხვადასხვა უნივერსიტეტში: „საქართველოს დავით აღმაშენებლის სახელობის უნივერსიტეტი“, „გურამ თავართქილაძის სასწავლო უნივერსიტეტი“ და სხვა.

ნოდარ პაპუკაშვილი არის თანაავტორი წიგნებისა: საზღვარგარეთის ქვეყნების კონსტიტუციური სამართალი, პირველი კრებული, 1999 წელი; მსოფლიო ქვეყნების სამართლებრივი სისტემები, ცნობარი - ნაწილი პირველი, 2001 წელი. ასევე გამოქვეყნებული აქვს 14 სამეცნიერო სტატია, მათ შორის თბილისის ღია უნივერსიტეტის სამეცნიერო შრომების კრებული: N4, 2013 წ., N5, 2014 წელი და N8, 2017 წელი და სხვა.

აღნიშნულის გათვალისწინებით კანდიდატ ნოდარ პაპუკაშვილის პროფესიულ აქტივობას ვაფასებ 5 ქულით.

კანდიდატის საბოლოო შეფასება:

ნოდარ პაპუკაშვილს კომპეტენტურობის კრიტერიუმის მიხედვით ვანიჭებ 91 ქულას.

საქართველოს იუსტიციის უმაღლესი  
საბჭოს წევრი თეა ლეონიძე

თარიღი: 28.05.2021

თ. 